



## Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri  
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1602**

23. De mendicantium ordinibus.

**urn:nbn:de:hbz:466:1-14077**

## Caput XXIII.

*De Mendicantium Ordinibus.*

**P**RIMO queritur, Quinam in iure Canonico Mendicantium Ordines intelligentur? Respondeo, eos intelligi, quorum Cenobis ex regula, vel constitutionibus nequaquam est permisum fundos, prædia, possessiones, annuos redditus, quæ omnia dicunt bona stabilia, seu immobilia, communiter possidere, sed eorum Religiosi, ex elemosynis sibi datis, vel ostiatis queatis, victum, & alimenta comparant. *Glossa in cap. 6. verb. mendicantes.* Ex eo, verb. mendicantes, de excessi. prelat. in 6. Mendicantes, ait, dicuntur ij, quibus victum tribuit incerta mendicantes: & qui redditus, aut possessiones ex regula, vel constitutionibus habere non possunt, ex cap. 1. de religios. dominibus, in 6. Sic etiam *Glossa in cap. Quorundam. de elect.* in 6. verb. Mendicantes. Qui fit, vt duo sint Ordinum genera Mendicantium: aut enim sunt Mendicantes ex Regula: aut ex Constitutionibus Romani Pontificis auctoritate approbat. Mendicantes non ex Regula, sed ex Constitutionibus, sunt Dominicani, Augustiniani, Carmelitani: nam hi postrem sub Regula S. Basili viuunt, illi vero sub Regula B. Augustini; sed tum Basili, tum Augustini Regula, liberè permittit, fundos, prædia, & stabilia bona communiter habere. Ipsi tamen Dominicani Constitutiones ediderunt, quibus possessiones, & bona immobilia etiam communiter repudiarunt: & se ijs, quæ ante iam accepterant, penitus abdicarunt, & proinde non ex Regula, sed ex Constitutionibus mendicato cibo viuunt. In primo Capitulo, ut referunt eorum amates, Generali sub B. Dominico Bononie coacto anno Domini millesimo ducentesimo vigesimo B. Dominicus, similiter, ac cæteri omnes Patres in Concilium generale convocati omnia bona immobilia, quæ usque ad illud tempus in commune possederunt, abiecerunt; ac ne ultra in posterum haberent, Constitutione posita sanxerunt. Quæ quidem Constitutione posita in alio Generali Conuento Parisijs coacto, anno millesimo ducentesimo vigesimo octauo confirmata fuit. Augustiniani, & Carmelitani, testibus Lapo, allegat. 46. & Angel. confil. 12. confutetudine tantum in Ecclesia approbata inter Mendicantes censentur. Verius tamen existimo, eos esse ex suis Constitutionibus Mendicantes. At vero Francisci, qui vulgo Observantes, vel Cappucini vocantur, sunt ex Regula Mendicantes: nam Sancti Francisci Regula prohibet fundos, prædia, possessiones, annuos prouétus, & quælibet alia bona immobilia communiter possidere.

Ex his perspicue intelligitur, non esse Ordines Mendicantes, eos, qui tametsi pane mendicato viuunt, sed ex Regula, & Constitutionibus bona immobilia in commune habere queunt. Rursum verè Ordines Mendicantes sunt, qui quamvis expiuglio stabilia bona communiter possideant, ex Regula tamen, vel Constitutionibus ea habere nequeunt: nam eo ipso, quod vnu priuilegio tollitur, non aufertur, & aliud, ut dicitur in l. Si domm. ff. De seruitiis urbanorum prediorum, & cap. Ex traxrum, De auctorit. & ysu pallij.

Secundò queritur, Quot sint Ordines Mendicantes? Respondeo, in iure communī quatuor

nominari. Nam cap. Religionum, De religios. domibus, in 6. ff. Santi, numerantur Prædicatorum, Minorum, Augustinianorum, & Carmelitanorum Ordines. Et similiter in Constitutione P. j Quinti, qua incipit, *Romanus*, recensentur quatuor Ordines, nimirum Prædicatorum, Minorum, Eremitarum S. Augustini, & Carmelitarum. Iure novo alij Mendicantes Ordines sunt Romani Pontificis auctoritate approbati: nam Pius Quintus in quadam Constitutione, cuius initium est, *Apollonis*, declarat, Ordinem Minimorum S. Francisci ex Paula oppido Calabria oriundi inter Ordines Mendicantium verè comprehendi, & eorum priuilegijs gaudere: & in alia, cuius initium est, Romanus, definit, Congregationē Fratrum S. Hieronymi, qui Iesuati vocantur, verè inter Mendicantium Ordines esse, & contineri, ac eorum priuilegijs potiri: & in illa, quā primo loco nominauit, cuim quoq; initium dixi esse, *Romanus*. Postquam cōmemorauit quatuor Ordines Mendicantium, Sancti Dominicū videlicet, S. Francisci, Eremitarum S. Augustini, & Carmelitarum, subiecit hæc verba: *Et quos etiam recenseri volamus, Servorum B. Marie.* Quorum Ordinem declarat verè inter Mendicantium Ordines comprehendti. Aliam similiiter Constitutionem edidit, qua declarauit Ordinem Societatis Iesu inter Mendicatum Ordines connumerari debere.

Tertiò queritur, Qualis Ordo sit inter quatuor Mendicantes Religiones iure communi antiquo approbatas, quānam scilicet præcedat alteram in publicis disputationibus, concionibus, suppliicationibus, & alij huius generis actionibus. De qua re innumeræ, testibus Felino, & Cassiano fuerunt haec tenus disputationes, dum alij vnum Ordinem alteri præferunt ratione institutionis, alij verò ratione Pontificiæ approbationis. Respondeo, iure communi inter eas tales ordinem feruari, quali in ipso iure Canonico nominantur. Nam in testamentis, legatis, fideicommissis ordo scripturæ seruandus, & sequendus est. *Quories ff. De ynfirmit. & l. Generaliter. ff. Si quis ergo. ff. De fideicommiss. liber. & Glossa ibidem.* Et annotauit *Glossa*, cap. Cum dilecta. verbo, Transponentes, de rescrip. Scripturæ ordinem esse seruandum in rescriptis principum: ergo scripturæ ordinem sequi debemus in iure positum, quoniam sicut ordo verborum in legatis, fideicommissis, & testamentis testatoris indicat voluntatem, sic in rescriptis principum, & legibus, ac constitutionibus ostendit voluntatem legislatoris, & principis. Sic Archidiac. Ioan. Andreas, capit. 1. de deci. in 6. *Felinus in r. idem. de majorit. & obedienc.* Portò in cap. Religionum paulò ante citato memorantur primo loco Prædicatores; secundo, Minorès; tertio, Augustiniani Eremitæ; postremo, Carmelitani. Et quoties in iure Canonico, ut annotauit *Glossa*, Prædicatores, & Minorès simul ponuntur, primi nominantur Prædicatores, velut in cap. Constitutionem, De regularibus in 6. & cap. Nimiris prava, De excessibus Prælatorum, cap. In ijs, de Prælia, cap. Quorundam, De elect. in 6. cap. Cum ex eo De excessib. Prælat. in 6. c. Religionum, De religios. domib. in 6. & Clemens Dudum, De Jesu.

Quæ AERES, An quatuor huiuscmodi Religiones eo Ordine sint instituta, & fundata, quo in iure Canonico referuntur, & nominantur.

Cas. in Catal. Glorie mundi. part. 4. confid. 71. scribit inter Mendicantes præferri debere Carmelitanos, quia eorum institutio fuit ceteris ordinibus antiquior. Glossa in cap. Quorundam, De elef. in 6. verb. Mendicantes. Præponit omnibus Prædicatorum Dominicanos. Sic Ioan. Andr. Archidiac. & Felix locis citatis. Respondeo, eas Religiones non eo ordine, que in iure communi numerantur, institutas fuisse. Nam in cap. Religionum. §. Samē, De religiō domib⁹ in 6. aperte dicitur Ordines Eremitarum Sancti Augustini, & Carmelitarum ante Generale Concilium Lateranense sub Innocentio Tertio coactum institutos fuisse, cum tamen Dominicanorum, & Franciscanorum Ordines, aut post illud Concilium, aut saltē sub id temporis fuerint constituti. **De Ver Bea Tra Bea Ips Ips**, vnde factum sit, ut in iure Canonico is Ordo, quem superius assignamus, in nominādīs Religionibus obseruetur? Respondeo, hac in re Pontificie, & Apostolica approbationis, quā illae obtinuerē, potius, quam ea cum institutionis habitam esse rationem. Dominicanorum enim Ordinem Honorius Tertiū initio sui Pontificatus scripto publico confirmauit, anno Domini millesimo ducentesimo decimo sexto. Deinde verò anno millesimo ducentesimo vigesimo tertio S. Franciscus ab eodem Pontifice sui Ordinis approbationem scripto solemnem impetravit; quam tamen ante S. Dominicum, Innocentij Tertij beneficio obtinuerat anno faliūtis millesimo ducentesimo decimo. Sed quia eam confirmationem viuō tantūm Pontificis oraculo, non scripto diplomate acceperat: ideo Dominicani instituti familia prior in iure Canonico recensetur, ac nominatur. Postea ab Alexandre Quarto Eremitarum S. Augustini Ordo solemnem scripto traditam approbationem impetravit. Tandem ab Honorio Quarto Carmelitarum Ordo longè ante institutis, publicē est confirmatus, ut statim dicemus.

Quarto queritur, Cur ex eo unus Mendicantium Ordo antecedit alterum, quod fuerit prius solemnis, & publico scripto, aut diplomate Romani Pontificis approbatus, & non quod fuerit primum institutus. Respondeo, approbationis rationem haberi potius, quam institutionis. Etenim in cap. Religionum, sēpē citato perspicue traditur institutionem Augustinianę, & Carmelitanę familię ante Generale Concilium Lateranense fuisse; & tamen prius Prædicatorijs, & Franciscani Ordines ibi numerantur. Quo sit, ut in toto libro Decretalium iussu Gregorij Noni collecto, solummodo referantur duo Ordines Mendicantium, Prædicatorum scilicet, & Minorum, cap. N⁹mis, De exēsib. Prelat. &c. cap. In his, De Priuileg. Per ea enim tempora, nondum auctoritate Pontificie, & publico scripto Augustinianorum, & Carmelitarum Ordines confirmati fuerant; quamvis multo ante instituti erant, etiam Episcoporum auctoritate, & ipso etiam vsu, & more in multis orbis terrarum partibus approbati. Sed priuata Episcoporum approbatio, aut etiam priuatarum Ecclesiārum consuetudo non dat, aut dare potest formulam, vel ordinem religionis in vniuersum seruandum ab omnibus, nisi publica, & solemnis Romani Pontificis auctoritas acceaserit, qua ea religionis formula, & ordo approbatur, & gene-

ratim omnibus proponatur. Institutio igitur, nisi simul accedat Romani Pontificis publica, & solemnis approbatio, non constituit ordinem inter Religiones: quoniam cum institutio Religio, nisi Romani Pontificis auctoritate confirmetur, non obtinet approbationem in toto terrarum orbe, sed tantum in ijs locis, in quibus vnu approbatur. Porro in libr. 6. Decretalium Bonifaci Octaua auctoritate collecto, fit mentio Prædicatorum, Minorum, aliorumque Mendicantium Ordinum generalium, non speciatim, cap. Constitutionem, De Regula, &c. cap. Eius ex eo, De exēsib. Prelatorum. Sed in cap. Quorundam, De elef. expreſſum, & speciatim memorantur tres Ordines Mendicantium, videlicet Prædicatorum, Minorum, & Eremitarum S. Augustini, & cap. Religionum. §. Samē, De religiō domib⁹ in 6. recententur quatuor Ordines expreſſum, quoniam Carmelitani adduntur: nam iam ante Bonifacium Octauum, ab Alexandre Quarto, & Honorio Quarto, Eremita S. Augustini, atque Carmelitani suorum Ordinum approbationem firmam, & generalem, publico, & solemnis scripto confirmatam impetraverant, vt supra commemorauit.

Quinto queritur, Quando primum quatuor Ordines Mendicantium fuerint instituti, & quando publica Romani Pontificis auctoritate approbati? Nam Augustiniani contendunt se omnium Mendicantium primos esse, & ratione institutionis, & ratione approbationis: eo quod legamus multa eorum Coenobia antiquissima. Pari ratione Carmelitani se omnium primos faciunt, & origine, ac institutione, & approbatione Pontificia. Respondeo, De Prædicatoria quidem, ac Franciscana familijs illud certo constare, utramque Innocentij Tertij, & Concilij Lateranensis tempore institutam fuisse; quamvis Dominicanis ab Honorio Tertio anno Domini millesimo ducentesimo decimo sexto, Pontificiam approbationem, publico, & solemnis scripto impetraverit, & Franciscana quoque familia ab eodem Pontifice anno millesimo ducentesimo vigesimo tertio.

De Augustinianorum, & Carmelitarum Ordinibus maior est controvērsia. Namq; Augustiniani Ordinem suū in B. Augustinum, ut in primum institutorem, ac parentem referre contendunt, testanturque Eremitas (quorum ille, secundum ipsos, caput exiit) sanguine Wandalorum perfidia, ac immunitate, & Monasterijs per Africam, partim igne exuffis, partim ferro vaſtatis, in Italiā commigrasse, & in ea primum, deinde verò in Gallia, Germania, Hispania, & Anglia sparsim domicilia extixisse, in quibus ritè, ac sanctè vñque ad Innocentij III. tempora vixerē: Hic enī Pontifex, vi paret ex libr. 2. ep̄s̄olārum eius. Vllyſi ponensi, & Comibricensi Ep̄t̄copis scripti, præcipiens, vt cogenter fœminam quandam habitudinē Ordinis S. Augustini resumere, quippe, qua in manibus vnius ex illo Ordine Eremita, vocum Castitatis emiserat. Idem quoque Pontifex libr. 1. Ep̄s̄olārum, Priori cuidam S. Augustini imperat, vt declarer excommunicatum Archiepiscopum Canturiensem, eo quod Priorem quendam Augustiniani item Ordinis post appellationem ad Ap̄stolicam Sedem, excommunicati-

cationi subiecerat. Ex vetustissimis item, & certissimis ipsius Ordinis monumentis appetet, eius nonnulla Cœnobia ante Innocentium Tertium fuisse fundata, uti Londinense in Anglia anno millesimo quinquagesimo nono: in Hispania Burgense anno millesimo centesimo quadragesimo nono, & Salmanticense, anno millesimo ducentesimo secundo, Colonense in Germania, anno millesimo centesimo sexagesimo quinto. Inchoatum itaque Ordinem ab Augustino, & penè collabente restituit in prouincijs Trans Alpes Guillelmus Dux Aquitanæ, & in Italia Ioannes congnomento Bonus.

Alijs autem similius vero videtur, Eremitas ante Augustinum in Aegypto, Palæstina, Syria, Thebaide, Autonio, Hilarione, Machario, Pachomio, Magistris, ac Dicibus esse institutos, nec forsitan B. Augustinum Eremitam fuisse, sed in Africâ Eremitas salutaribus monitis, consilijs, doctrina, & p̄ceptis imbuisse. Sic enim S. Martinus Turonensis Episcopus in Gallia, Simplicianus Mediolani, Basilius in Cappadocia, Monachis viuendi formulam tradiderunt, & aliqua eorum Cœnobia non parum auctoritate sua, prudentia, consilio, & p̄ficio sustentarunt. Post Augustinum verò per Occidentem sparso Eremita vixerunt, non unum quidem in ordinem redacti, nec uno nomine vocati, nec eodem vestitus genere vni, nec eisdem Constitutionibus adstricti, nec vni capiti subiecti. Guillelmi fanè Aquitanæ olim Dicis, & Pictaviensem Comitis ad Eremiticam vitam conuersi opera, & imitatione Trans Alpes in Germania, Gallia, Llyrico, & Hispania aliquor Eremitarum domicilia constituta fuisse perhibentur. Vnde & Guillemitæ appellari coeperunt, & in Italia cuiusdam Ioannis (vt diximus) cognomento Boni Eremitæ, studio, & pietate sunt etiam extructa, & fundata nonnulla Cœnobia: ac tandem Alexander Quartus omnes Eremitas diuersorum Ordinum per Occidentem dispersos, (quorum alij Guillemitæ, alij Fratres Ioannis Boni, alij Fratres vulgo de Poenitentia Iesu Christi, alij alij nominibus dicebantur) in unum ordinem coegerit, & restrinxit, p̄cipiens omnibus, vt vnam S. Augustini Regulam proflerentur; & eodem nomine vocati, eisdemque Constitutionibus deinceps, ac eodem amictus genere vni, vni totius Ordinis Priori Generali parerent. Nam Innocentius Quartus, qui Alexandrum Quartum p̄cesserat, vt testantur ipi Annales Augustiniani, & Anton. part. 3. titul. 2. 4. cap. 14. §. 3. animaduertentes Predicatorum, & Minorum Familias in dies amplius angeri, & vberrimos in Ecclesia Dei fructus proferre; Eremitas verò, quorum multa adhuc Familia extabant, sibi solis prodeſte, non alijs, de creuerat eos omnes Eremitas in vnum velut gem, & corpus redigere, vt more Prædicatorum & Minorum, cibo mendicato viuerent, ad Populum conciones haberent, pœnitentium confefſiones exciperent, & cateras Ecclesia functiones obirent: quod tamen bonus ille Pontifex morte è viuis crepus, ad exitum perducere nequit. Anno igitur millesimo ducentesimo quinquegesimo sexto auctoritate Alexandri Quartus conuocatis multorum Cœnobiorum Eremitis,

communi omnium consensu creatus est primus totius Ord. Eremitici Prior Generalis Lancfrancus Septulanus Mediolanensis: tuncque eratis omnibus alijs Eremiticarum Congregationū nominibus supra commemoratis, vna illa duntaxat appellatione vocari coeperunt, videlicet, Eremitæ S. Augustini, eo quod eius Regulam professa, amictum etiam, & cingulum, quo etiam nūc vntur, delegerunt. Atque ita, vt B. Antoninus scriptum reliquit loco citato, vnuſ ē multis, Eremitarum S. Augustini nomine, conflatus est Ordo. Fuerunt igitur, longè ante Innocentij III. & Concilij Lateranensis tempora per Occidentem Eremitæ, fuerunt, & Cœnobia S. Augustini nomine dicta, vt quæ sub eius, vt diximus, Regula militabant, & viuebant exemplo, & imitatione eorum, quos B. Augustinus moribus, & p̄ceptis, ac legibus informauit, sed nondum Ordo Eremitarum, qualis nunc cernitur, fuerat constitutus.

Porrò Carmelitæ, seu Carmelitani gloriantur, se Eliam Prophetam habere tanquam principem sui Ordinis, & parentem, ac institutorem, à quo incepit primum, postea per Eliseum, & alios eorum discipulos, (quos sacræ literæ palliūm Prophatarum appellant, & Liranus refert, Religiosos viros fuisse) continuatum esse testantur vñq; ad Ioannem Baptistam, quem etiam tanquam filii Ordinis alumnum reverentur, & colunt: cuius vestigijs infilentes alij eo tempore, quo Spiritus sanctus celo emissus Christi discipulorum corda repleuit, Hierosolymis commorabantur, & in Actis Apostolicis viri Religiosi vocantur: quos etiam peribent Apollotorum concionibus ad Christi Religionē conuersos, & in monte Carmelo pro locum, qui vulgo dicitur Fons Eliæ, sacram B. Virginis ædiculam extruxisse, & inde vocari cœptos Eremitas B. Virginis in monte Carmelo, ac deinde temporibus Archadij, & Honori Imperatorum anno quadrageſimo duodecimo, fuisse tradunt Ioannem Episcopum Hierosolymitanum, qui cum Monachus esset ad Caprarium Monachum fertur, librum scripsisse, De institutis Monachorum in monte Carmelo. Deinde, occupantibus Palæstinam, & Syriam Saracenis, diminutus quidem Monachorum numerus est, sed non extinctus: & post recuperatam Palæstinam, Almerichus Patriarcha Antiochenus, natione Gallus, patria Lemouicensis, ex Sancti Basili Regula, p̄cepta quædam collegit anno 1121, quæ obseruanda curavit ab hisce Eremitis, qui tunc in monte Carmelo viuebant, vna cum alijs, qui post ereptam Saracenis Hierosolymam, se illis studio religionis adiunxerant, illisque omnibus vnum p̄fecit, quem Latinorum, non Græcorum more, iuxta Regulam S. Augustini, Priorum vocavit, non Abbatem, vt S. Benedictus appellari voluerat. Postea Albertus Hierosolymitanus Patriarcha anno millesimo centesimo septuagesimo primo, eiūmodi p̄cepta in breuiorem quendam, & faciliorem ordinem redigit, & sua auctoritate confirmavit: quam Instituti rationem, & formam Honorius Tertius, & Gregorius Nonus primò approbarunt, & postea Innocentius Quartus, & Alexander Quartus ad decem capita redactā, breuiorem adhuc, clariorē, & mitiore effectam, opera Hugonis Car-

dinalis, & Guilhelmi Episcopi Anteradensis Dominicanorum, confirmarunt.

Alijs verò magis placuit opinio quorundam afferentium post receptam bello sacro, Gothifredo duce, Hierosolymam, certos quosdam viros Religiosq; ac solitarię vitę studio secessisse exemplo, & imitatione Eliæ, in montem Carmelum, & ibi Eremitac vitam egisse: extruxisseque sanctum in honorem B. Virginis: quibus deinde Almericus p̄cepta viuendi ex S. Basiliū Regula deprompta tradidit. Postea verò Albertus breuem Regulam scripsit. Et quia Concilium Lateranense prohibuerat, ne quis Religionem nouam institueret, nisi vna ex Regulis approbatis dele- & tales Eremiti Regulam ab Alberto acceptam auctoritate Apostolica Romani P̄tificis approbandam curauerunt. Quocirca Honorius Tertius, & Gregorius Norus eam quidem confirmarunt: generatim tamen ordinem ipsum minimè approbarunt. Solum enim scripserunt Priori, & Fratribus Eremitis in monte Carmelo habitantibus, vt qui in eo monte primam sedem habuerint. Fuit igitur approbatio restricta, vt in eo monte habitarent: fuit priuata quosdam illius Conuentus approbatio. Ceterum ex Oriente in Occidentem le recipere compulsi fuere, ob Saracenorum Palestinam rursus occupantium Barbaricam sicutiam: tunc enim omnes in Italiam commigrarunt, inde per Angliam, Galliam, & Hispaniam autem, & propagati sunt: quo etiam tempore Innocentius Quartus, & Alexander Quartus Regulam, quam in Oriente acceperant, sua solempni, publica, & generali scriptura, & diplomate Pontificio approbarunt. Nam cum primum in Occidente se transtulerunt, nequamquam iij ab omnibus Episcopis, & Ordinarijs admittiebantur, partim afferentibus eorum Ordinem non esse, ac post Lateranense Concilium institutum: partim dicentibus fuisse quidem eum Ordinem approbatum, in Oriente, ab Almerico Antiocheno Patriarcha, & Alberto Archiepiscopo Hierosolymano, sed eam approbationem fatis non esse, nisi Romani Pontificis accessisset auctoritas, qui toti Ecclesiis p̄ceptit: & approbat quoque esse ab Honorio Tertio, & Gregorio Nono, sed restringit ad habitandum duntaxat in monte Carmelo, vnde fuerant exorti, vndeque venerant. Demum quod eorum vestitus ratio, videretur noua, & insolens, quoniam varij coloris amictu veteabantur. Quare tunc auctoritate Innocentii Quarti, eorum Regulam Hugo Cardinalis, & Guilhelmus Episcopus, uterque Dominicana Familia, correxerunt, declararunt, temperarunt, donec tandem auctoritate Honori Quarti stabilitus, & confirmatus est Ordo: tunc enim chlamydem, sive palliū album eiusmodi Eremita sibi delegerunt, cum antea in Oriente scilicet, veterentur pallio varij coloris ex albo, & rutilo contexto, quod in Occidente iam agentes, depone sunt coacti; propterea quod is amictus parvum videretur decere Religiolam grauitatem, Is, qui continuauit historiam Belli sacri libr. 5. cap. 3. narrat originem in hunc modum. *Carmelus est mons in Syria habitatione, tam aliorum Propheticarum, quam Helie, & Heisieri nobilis. Hunc locum sub Almerico Hierosolymano Patriarcha insederant Anachoretae: ac cum*

*sparsim circa montem habibant: tandem coniuncte ad fontem, qui Helie dicitur, in cacumine montis, p̄banum, & manusserium confinxerunt: uni, qui honesta p̄cipiebat, humiliter parendo, sine tamen certo instituto, sine peculari cultu, sine ceremonijs. Albertus postea Hierosolymanum sub Innocentio III. Patriarcha, & Legatus certas observationes regulas illis p̄scriptis, addidit & vestitus normā: pallium scilicet varij coloris ex albo, & canaglio circumlatum; Hierosolymam huiusmodi culta ornatum incēpisse, Basilicum ex videnti formula usum fuisse afferens. Erat tam gravis propheci p̄pallij habitus, non folium Christianum, sed etiam Barbarum, ut magis Sulibanū eleemosynis, familia tota sustentaretur, & locupletaretur. Hec ille.*

Ex his perspicuum esse potest, quemadmodum sit accipiendum id, quod habetur in cap. Religionem. §. San. De Religion. domib. in 6. vbi Gr̄gorius Decimus in Concilio Lugdunensi, cum Religionum multitudinem nouarum inhibuisset; declaravit Constitutionem suam ad Pr̄dicatorum, & Minorum Ordines minimè extendi. Deinde subiecit: Ceterū Eremitarum Sancti Augustini, & Carmelitarum Ordines, quorum institutio Generale Concilium Lateranense p̄cepit, in solidō statu volumen permanere. Perpendendum illud: quorum institutio generale Concilium p̄cepit: quod quem senum habeat, iam aperium. Deinde, & illud: In solidō statu, vbi, vt Glosa annotauit, Gregorij Decimi Constitutione antea siue olim, sic habebat: In suo, aut in solito statu volumen permanere, donec de ipsis fuerit ordinatum. Intendimus itidem, tam de illis, quāde de reliquis etiam non Mendicantibus, propter animarum salutem, & eorum statu expedire videbimus prouidere. Fertur, inquit Glosa, Gregorius in animo habuisse, relinquere ex Mendicantibus Ordinibus solum duos, Pr̄dicatorum, & Minorum, & ex non Mendicantibus tres, Cisterciensium, & Nigorum Monachorum, & ex Militaribus Templarijs, & Hospitaliarijs, quām efficere. At verò totum hoc Bonifacius Octauus detrahit: & illud, insuo, aut in solito, mutauit in id, in solidō: quoniam post Gr̄gorium Decimum, & ante Bonifacium Octauum, Ordines Eremitarum S. Augustini, & montis Carmeli statibilem iam, ac firmā approbationem obtinuerat, solemnī aliquorum Pontificum auctoritate munitam.

Sexto queritur, An fatis sit ad hoc, vt aliquis Religioforum Ordo Mendicantium numero habetur, Constitutionibus vtratur mendicantem imperantibus, an verò requiratur etiam, vt Constitutiones huiusmodi Romani Pontificis auctoritate confirmetur? Respondent quidam, prius illud non sufficeret: nam quemadmodum in iure Canonico nulla communiter viuentium hominū coacta Societas pro Religione haberet, nisi à Romane Pontifice approbetur; sic tamen nullus Religioforum Ordo, etiam legitimè confirmatus pro Mendicacium Ordine habetur, absque Romani Pontificis approbatione: nec enim priuilegijs, & facultatibus Mendicantium gaudere potest sine huiusmodi confirmatione. Accedit, quod si solē per le Constitutiones sufficeret, ex Mendicanti Ordine fieri posset Ordo, Non Mendicans, & è contrario: Constitutiones enim, quas nulla Romani Pontificis auctoritas confirmavit, mutari facile, tolli, & abrogari queunt; confirmata verò Pontificia auctoritate, non item. Mihil tamen verius appetit, Mendicantem Ordinem, quod

quod attinet ad substantiam esse ex Regula, instituto, aut Constitutionibus suis. Pontificis vero approbatio Ordinis Mendicantis substantiam non facit, sed declarat eum esse Mendicantem, & Mendicantium priuilegijs dignum, & dat Ordini Mendicanti rationem, & formulam, sine qua talis generatio ab omnibus non haberetur, nec haberi posset.

Quares. An Constitutiones mendicitatatem praecipientes sufficiant, si totius Ordinis approbationem iure iurando firmatam habuerint absque Romanis Pontificis auctoritate? Respondeo, minimè; quamvis alioqui plus virium, & firmamenti interpositum iusurandum addidisset. Etenim auctoritas Pontificis Mendicantium Ordinem constituit, dummodo mendicitas ex Regula, vel Constitutionibus Ordini conueniant. Item, Constitutiones etiam iure iurando firmatz, si totius Ordinis auctoritate mutentur, vel abrogentur, valet abrogatio; verum in abrogando, per iurum ipsius Ordino committit.

Septimo queritur, An vsu, & more induci queant noui Ordines Mendicantium? Respondeo in hunc modum, sicut ex Regula, vel Constitutionibus instituti queant noui Ordines Mendicantium, quod pertinet ad substantiam, quod spectat vero ad rationem, & formulam possunt, si Romani Pontificis auctoritate approbentur; ita etiam consuetudine introduci possunt; eadem tamè, quam dixi, approbatione accidente: quod enim potest lex, vel constitutio inducere, potest quoque consuetudo, quæ via legis habere dicitur.

Octavo queritur, An consuetudine induci possit, ut Ordines Mendicantium bona immobilia in commune possideant. Respondeo, posse; praesertim si ea consuetudo tacita Romani Pontificis voluntate approbetur, hoc est, si eam Romanus Pontifex sciat, ac toleret. Priuilegio enim aut concessu Pontificio Mendicantium Ordines aliquando habent potestatem stabilia bona communiter possundi: vti Dominicana Familia Sixti Quarti beneficio anno 1475, ius obtinuisse fertur euclandi bona habendi. Vnde in Hispania, & Italia quædam Prædicatorum Collegia annuos redditus in commune possident. Sic etiam Pontificio concessu Augustinianorum, & Carmelitarum Collegiæ annuos redditus in commune habent. Tridentina quoque Synodus Sej. 25. cap. 3. De Regularibus, sic ait: Concedit sancta Synodus omnibus Monasteriis, & dominibus tuis virorum, quam mulierum, & Mendicantium, exceptis dominibus Frarum S. Francisci, Cappucinorum, & eorum, qui monorum de obseruancia vocatur, etiam quibus, aut ex Constitutionibus suis erat prohibitum, aut ex priuilegio Apostolico non erat concessum, vi deinceps bona immobilia eis possidere licet. Hac ibi. Quid sit, ut non definit esse Ordines Mendicantium, qui ex Regula, vel Constitutionibus bona stabilia habere prohibentur, quamvis ex priuilegio tamen, vel beneficio Romani Pontificis habeant. Quod autem potest Romanus Pontifex priuilegio concedere, potest etiam consuetudo ab eodem Pontifice approbata introducere. Si enim Principum leges & constitutiones sepe usum mutantur, & ex toto, vel ex parte abrogantur, non est cur Religio forum quoque Ordinum constitutiones, vel Regule consuetudine Romani Pontificis consentu-

presso, vel tacito approbata, mutari, aut aboleri non queant. Solùm enim in ea, quæ ad Monastici instituti substantiam, & naturam, & habitum spectant, vim consuetudo contraria non haberet. Hæc autem sunt, quæ tribus votis continentur.

Nono queritur, An Mendicantium Ordines vivere debeant ex elemosynis ostiati mendicatis? Respondeo, id minimè requiri, sufficit enim, si vivant ex elemosynis, vel sibi ultro oblatis, & datis, vel alio quolibet modo queatis, ac partis. Quid enim, quæso, impedit, quod minus Mendicatum Coenobia sibi ad viatum necessaria habeant ex elemosynis, quas boni, ac pisi viri sponte ad ipsos de ferunt? Quid etiam obstat, quod minus alij pro ipsis Religiosis elemosynas petant, ex quibus honestè suffientur, ac vivant?

Decimò queritur, An Ordines Mendicantium tutæ conscientia annuos redditus possideant? Respondeo, minimè: siquidem annui redditus inter bona immobilia, quorum illi capaces non sunt, numerantur. *Clement. Exi. 9. Cumque annui, De verbo significo.*

Vndecimò queritur, An si bona stabilia testamento Mendicantibus legentur, ab eis recipi queant. Respondeo, posse, si ferme sit de alijs Mendicantibus præterquam de Franciscanis, qui Capucini, & Obliterantes nominantur: ea tamen conditione, & lege, ut vendantur, & eorum pecunia in elemosynas vertantur, quas in suis ipsis, vel aliorum necessarios vius impedit. Objecies, non posse eos hæc bona capere sibi legata, etiam ad tempus, cum interim dum retinent, nec vendunt, possidere videantur bona stabilia, quorum tamen participes esse nequeunt. Respondeo, hoc nihil officere: non enim eiūmodi bona recipiunt ij Mendicantes, ut retineant, sed ut vendant, & consumant. *Quæres*, an statim ea bona vendere debeant? Respondeo, eos id facere debere, cum primum commode possint. Dicimus, commode, quia nihil impedit, quod minus temporis opportunitas expectetur, ne ex res legatae vilissimo pretio vendantur.

Duodecimò queritur, An Mendicantibus licet hortos habere, ex quibus olera ad viatum necessaria colligant? Respondeo, eis licere, & domos habere ad habitandum, & hortos ad deambulandum, ad legendum olera, & fructus percipiendos: dummodo tamen nihil fructuum inde perceptorum vendant, aut locent. *Quæres* item, eis ne liceat vineam aliquam possidere in viuim eorum, qui agrotant, vel ex morbo convalescunt, vel qui ut rebus spiritualibus studeant ad tempus ad hominum consuetudine sepositi se alio quio recipiunt? Respondeo, fas, & ius illis esse possidere; ita tamen, ne vincat si uictus alij vendant, aut locent.

Dicimotertiò queritur, Penes, quos sit dominium, & proprietas domorum, sacrarum ædium, & hortorum, quos Mendicantium Ordines habent in suis viis necessarios? Respondeo, si de ijs Ordinibus loquamur, qui Franciscani, Cappucini videlicet, vel Obliterantes, non sunt; dominium attinere ad ipsius Ordinis Monasticum Conventum, sive Collegium, quod domum, templum, vel hortum habet: neque enim cum Regula, vel Constitutionibus Mendicantium pugnat proprietas,



sue dominum domus ad habitandum, vel horti ad deambulandum, aut herbas, fructus colligendos, vel sacrae xdis ad Diuina ministeria exequenda. Etenim in extrauag. Ioannis XXII. quæ incipit: *Quia querundam De verbis signific. dicitur: Fratres Prædicatorum in altissima pauperitate Christi famulari: & tamen constat, eos aliquid in commune possidere, in eo etiam, quod attinet ad proprietatem, quod eorum Regule, & statuti non repugnat.*

**D**ecimoquarto queritur, An si Titius testamento leget Cato bona stabilitas, an quo iure redditus, ea lege, ut ex eis annua Mendicacibus alimenta praebatur, eis licet accipere? nam id videtur licere accepere. Finge tibi Religiosum ex aliquo Mencanticum Ordine, vel nauigantem, vel iter facientem, quid impedit, quin is iure alimenta recipiat ab eo, qui vna cum illo iter facit, aut nauigat? Quod autem licet ad tempus facere, quidni etiam in perpetuum, hoc est, ad vitam? **R**espondeo, manifeste id cum Religiosa mendicitate pugnare, eosque peccare, qui admittunt hæc bona alijs legata, ea lege, & conditione, ut ijs, quibus legantur, ipsi Religiosis præbere annua alimenta debeat. Si enim alium habetas tibi obligari ad alimenta porrigit, perinde fuerit, ac si habetas alimenta tibi obligata: ac proinde ius, & potestatem dicta alimenta exigendi, ac tuos in viuis convertendi.

**D**ecimoquinto queritur, An redditus annuus testamento legatus Coenobio Fratrum Minorum, qui Obliterantes dicuntur, pro fabrica templi, vel facilli, aut pro vino, cera, oleo, & vestimentis ad Missarum sacrificia facienda, & offerenda necessariis, sit ratus, & firmus? **R**espondeo Nauarrus in confil. 13. de testament. esse, eo quod in cap. Exiit, De verbis signific. in 6. solum prohibetur, quod minus. Fratres Minores accipiunt legatum pro suo Collegio, Conventu, & Capitulo; non tamen relatum ad Templi, vel Oratorij vius necessarios: hoc enim non legatur ipsiis Fratribus, sed facris xdi bus, & templis, quæ Ordo ipse habet. Nec in Clement. Exiit, De verbis signific. nec in Regula S. Francisci aliquid continetur, quo prohibetur Ordo annuos redditus legatos recipere ad Ecclesiæ vius, sed à tuummodo legata, quæ ad ipsorum Religiosorum viatum, & utilitatem spectent. **M**ihit tamen hæc sententia dubia, & incerta esse videatur: propterea quod in cap. Exiit, De verbis signific. in 6. sit eis interdictum absolute, & simpliciter legatum rem immobilem admittere ea conditione, ut locent, vel colant; sed annuus redditus inter res stabiles connumeretur; ergo videtur simpliciter prohiberi. Nec obstat ratio Nauarri dicentis non esse legatum ad vius ipsorum Religiorum, sed ad templorum vius: nam in eo capite absolute, & simpliciter prohibetur legata rerum immobilium: at ubi ius non distinguuntur, nec nos distingui oportet.

**D**ecimosexto queritur, An ius fit Franciscanis Fratribus accipere redditum annum legatum alii ea lege, ut quotannis cureret à Fratribus Franciscanis certa Missarum sacrificia facienda? **R**espondeo, minime ob rationem proxime affinatam, eo quod sit legatum rei immobilis ea lege, ut quotannis Franciscanis soluat. Nauarr. confil. 4. de testament.

### Caput XXIII.

*Alia questio[n]es eiusdem argumenti diluuntur.*

**S**Anti Francisci Regula initio institutionis quibusdam visa est dubia, & obscura, difficultis, & ardua; ut propterea necesse fuerit eam Romanorum Pontificum auctoritate declarari ad scrupulos è multorum animis euellendos, ad cōtrouerias dirimendas, ad respondendum obtrectatorum calumnij. Extant ergo in iure Canonico Romanorum Pontificum declarationes: Vna quidem Nicolai Tertiij in cap. Exiit, De verbis signific. in 6. Altera, Clementis Quinti, in Clement. Exiit, de verbis signific. & duæ aliae Ioannis XXII. quæ incipiunt querundam, & Ad conditorem, quæ habentur inter Confessiones Ioannis XXII. De verbis signific. In praesenti igitur dicam, quicquid in huicmodi Pontificijs Constitutionibus iuri communi insertis declaratum est de ecclesiastica Franciscani institutione paupertate, & mendicitate.

**P**rimò queritur, An S. Francisci Regula suos professores ita Deo obligent, ut compellantur ad omnia Euangelica Christi consilia exequenda, eo quod in Regulam seruatores pollicentur? Ea autem statim initio, & ad finem proponit, Euangelica perfectioni esse studendum, & eam esse observandam. **R**espondeo Nicolaus Tertius in cap. Exiit, eos non ita, ut quæ sit est, Deo obligari, sed locum ad vota emissa seruanda, & ad ea, quæ in Regula tanquam præcepta, aut prohibita exprimuntur, & ad ea, quæ verbis præceptum, vel prohibitionem significantibus præscribuntur.

**S**econdo queritur, Quænam in Regula præscribantur præcepti vim contineantur? **R**espondeo Clementus Quintus in Clement. Exiit, De verbis signific. Primum non omnia, quæ Regula constituit verbis imperati modi, quasi per affirmationem, vel negationem vtens, præcepti vim, & robur habere. Deinde, vbiunque in Regula ponitur hoc verbum, *Teneamus*, continere vim præcepti, & propterea id Fratres seruare oportet. Postrem exprimit, quot, & quæ in Regula cōtineantur vim præcepti habentia, nimirū: *Nō habere plures tamias, quam vnam cum capitulo, & alterā sine eo; Calceamenta non deferre; Ier equitando non facere, nisi subiecti necessitas, & vestitus vili; Tenuum seruare à die omnibus Sanctis sacro, & que ad Natalem Domini; & singulis quibusque festis suis per annum; Clericos Diuinum Officium recitare more, & ritu Romane Ecclesiæ; Ministros, & Castodes pro necessitatibus infirmorum, & Fratribus induendis sollicitari cum amabere; Si quis ex Fratribus erogat, alios debere ei inferire; Fratres prædicare non posse in diœcis alios Episcopi, & remunere; Nulli prædicare licere, nisi à Ministerio Generali, vel alijs, ad quos id permituerit, fuerit examinatus, approbatus, & ad hoc manus inscriptus; Fratres, qui senecter se Regulam seruare non posse, debere ad suos Ministros adiuvare; Omnia, que ponuntur in Regula ad genus, & formam habitus, tam Novitiorum, quam Professorum, nec non ad modum professionis, & ad professionem scolarum, nisi recipientibus quodam habitum Novitiorum, sicut dicit Regula, secundum Deum aliter videatur), ab omnibus Fratribus, ut obligatoria esse seruanda. Hæc in illa Clementina.*

Tertio